

D`Ciba ond d`Sandoz händ fusioniert d`Nab ond d`Ska au
d`Helvetia ond d`Artisana do werd e keine me schlau
ond dank em Renderwahnsenn jetz das duet`mi am meischte frustriere
gets sogar no Metzgereye wo s`Rends ond s`Schwiensfleisch fusioniere

Der Michael Jackson erläbi gli sis gröschi Glöck of Aerde
den nach de neuschte Mediebrecht söll de jetz schiends Vater wärde
ich glaub de Medie zwar nömm als doch ich hoffe das trifft zue
ond de Michael löss nochär de wenigstens die andere Buebe en rue

De Bodemaa het of Östrich telefoniert de Leuebärger chas ned fasse
jo Peter besch du de gottfredstotz vo alle guete Geister verlasse
ich ha doch nüt deför seit de Bodemaa drofabe ganz quul ond trocke
wenn die blöde Geister neuerdengs lieber em Bözbürgtunnel hocke

Chuum send d`Bobfahrer disqualifiziert das haut me vom Hocker
do träum ich vo de Schie Wm d`Sestriere ond vom nächste Schocker
alli Schwyzer Medaillen anulliert ond d`Begründig esch grandios
well sie d`Schie zfescht heige lo wachse siege die 2 cm zgross

Martina Hingis du verdiensch met 16. Scho Milione
damets der ned goht we de Steffi Graf gang e 2 Jahr of Monaco go wohne
nei mer gfallts e de Schwyz seit d`Martina Hingis ond ehri Auge strahle
wend emol so rich besch wed Frau Kopp muesch au do kei Stüüre me zahle

Es Loch es Loch es Loch es Loch es Loch en huffe Löcher
es Loch es Loch es Loch es Loch jä Löcher noch ond nöcher
wiene Ämmitaler gseht d`A 1 us e eusem Kanton Aargovia
do chonnts doch of es wyters Loch bem Baregg au nöm drofa

Ob Kericht oder Grünenabfuehr z`Rinike chasch nor no stöhne
för alls wod stellsch an Strosserand muesch fang Gebühre entlöhne
ond wenn mer den einisch förs Altpapier au müend Gebühre marke benotze
den bruch ich die neu Aargauer Schiiszytig we fröhner zoms Födle botze

35 Jahr scho gets s`Neuquartier dromm tuet d`Gmei de Vorschlag mache
mer wänd das alte Neuquartier met`eme neue Name älter mache
jo wenns Neuquartier älter worde esch das esch de Gmei entgange
denn chönnte`si doch förs Ennerdorf scho längst Ahv verlange

Wennd z`Rinike e de Fүүrwehr besch jo do chasch denn flueche
well vo jetz här muesch em minimom em Jahr 10 Üebige bsueche
wend do de gsamti Sold usrächnisch wo jetz all Jahr för Gmei aafallt
also do chani jo nome hoffe die heige s`Fүүrwehrauto scho zahlt

Bem Schuelhusombou s`letschte Jahr do hani mech gfrogt bigott
wiso me trotz Platzmangel det be de Flachdächer bliebe wot
jetz hött do ändli schaltets mer do chani der Grond erfasse
beme Flachdach bestoht jo kei Gfohr das em Hueber Ziegel ned passe

Ich ha doch schoweder e Wuete mer vom Chopf bes zo de Fүүscht
well du hesch mech Ueli Achermaa als Gmeindamme schoweder enttүүscht
s`letscht Jahr mach ich äxtra en Vårs über de woruf du e de Ferie besch
ond das Jahr machi e keine ond scho hocksch wede do am Tesch

Euse Dametornverein hört uf wäge Metglederschwond s`esch trurig
Au s`Steigers höre uf of der Tannegg ond das das magmi schurig
Es hört uf als Gmeirot de Märki Ernst ond au Schuelpflegsmetglieder
Nor eine de hört leider noni uf ich der Komedi chomm s`nächscht Jahr wede

Der Komedi⁹⁷

Wänd er me bsueche? Ich be dehei onder „www.komedi.ch“